

ათონის წმინდა მთის ვატოპედის მონასტრის წინამძღვრის მიერ სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტების დაფინანსების მიზნით კანდიდატთა შერჩევისა და წარდგენის პროცედურა

1. ათონის წმინდა მთის ვატოპედის მონასტრის წინამძღვრის მიერ სსიპ - ივანე ჯავახიშვილის სახელობის თბილისის სახელმწიფო უნივერსიტეტის (შემდგომში - უნივერსიტეტი) სტუდენტების დაფინანსების მიზნით კანდიდატთა შერჩევისა და წარდგენის პროცედურის მიზანია უზრუნველყოს კანდიდატთა შერჩევა და მათი წარდგენა 2022-2023 სასწავლო წლის შემოდგომისა და გაზაფხულის სემესტრში სწავლის საფასურის დაფინანსების მიზნით.
2. პირველ პუნქტში მითითებული სწავლის საფასურის დაფინანსების მიზნით კანდიდატები შეირჩევიან დამფინანსებლის მიერ გამოყოფილი თანხის ოდენობის (8200 ლარი) ფარგლებში, აღნიშნული თანხის (8200 ლარი) სრულ ამოწურვამდე. იმ შემთხვევაში, თუ მითითებული თანხა სრულად არ ფარავს დაფინანსებულთა სარეიტინგო სიაში უკანასკნელ ადგილას მყოფი კანდიდატის სწავლის საფასურის სრულ ოდენობას, კანდიდატი დაფინანსდება ნაწილობრივ.
3. სწავლის საფასურის დაფინანსების მიზნით განაცხადის წარდგენა შეუძლია უნივერსიტეტის ბაკალავრიატის საგანმანათლებლო პროგრამის მე-5, მე-6 და მე-7 სემესტრის სტუდენტს, რომლის საშუალო აკადემიური მოსწრების მაჩვენებელი (GPA) აღემატება 2.5-ს.
4. სწავლის საფასურის დაფინანსების მიზნით კანდიდატები შეირჩევიან სოციალური მდგომარეობის გათვალისწინებით, რომელიც უნდა დადასტურდეს შესაბამისი წესით გაცემული მოქმედების ვადის მქონე ამონაწერით სსიპ - სოციალური მომსახურების სააგენტოდან, სადაც მითითებული იქნება კანდიდატის სოციალური სარეიტინგო ქულა. წარსადგენ კანდიდატთა შორის პრიორიტეტი მიენიჭება დაბალი სოციალური სარეიტინგო ქულის მქონე კანდიდატებს.
5. კანდიდატმა განაცხადი უნდა წარადგინოს 31 ოქტომბრიდან 3 ნოემბრის ჩათვლით, რომელსაც უნდა დაერთოს ამ პროცედურის მე-4 პუნქტში მითითებული ცნობა მისი სოციალური მდგომარეობის შესახებ, ასევე გაცხადებული იყოს კანდიდატის თანხმობა მისი მონაცემების მე-3 პირისთვის გადაცემასთან დაკავშირებით (განაცხადის წარდგენა შესაძლებელია უნივერსიტეტის კანცელარიაში (I კორპუსი, ოთახი N114).
6. სწავლის საფასურის დაფინანსებისთვის აუცილებელია შესაბამის სემესტრში სტუდენტი სარგებლობდეს სტუდენტის აქტიური სტატუსით, წინააღმდეგ შემთხვევაში იგი კარგავს შესაბამის სემესტრში სწავლის საფასურის დაფინანსების მიღების შესაძლებლობას.
7. იმ შემთხვევაში, თუ კანდიდატს საანგარიშო პერიოდში (2022-2023 სასწავლო წლის შემოდგომის ან/და გაზაფხულის სემესტრში), მოპოვებული აქვს სრული სახელმწიფო

სასწავლო გრანტი ან/და სხვა სახის სწავლის დაფინანსება იგი კარგავს ამ ბრძანების პირველ პუნქტში მითითებული დაფინანსების მიღების შესაძლებლობას. ხოლო, იმ შეთხვევაში თუ კანდიდატს საანგარიშო პერიოდში (2022-2023 სასწავლო წლის შემოდგომის ან/და გაზაფხულის), მოპოვებული აქვს ნაწილობრივი სახელმწიფო სასწავლო გრანტი ან/და სხვა სახის სწავლის ნაწილობრივი დაფინანსება ამ წესში მითითებული დაფინანსების მიღება შეუძლია მხოლოდ სახელმწიფო სასწავლო გრანტის მაქსიმალურ ოდენობამდე (თითოეულ სემესტრში 1125 ლარის ოდენობამდე).

8. უნივერსიტეტი დაფინანსების მიღების მიზნით სწავლის საფასურის დაფინანსების გამცემს წარუდგენს იმ კანდიდატთა მონაცემებს, რომლებიც აკმაყოფილებენ ამ წესში მითითებულ კრიტერიუმებს.